

高宗純皇帝實錄（一二）

卷九〇〇至卷九七三
乾隆三十七年至三十九年

清實錄

第二〇冊

中華書局影印

清實錄第二〇冊目錄

高宗純皇帝實錄(一二)

卷九〇〇 乾隆三十七年正月上 二〇二〇七

卷九〇一 乾隆三十七年正月下 二〇二一五

卷九〇二 乾隆三十七年二月上 二〇二二七

卷九〇三 乾隆三十七年二月下 二〇二三四

卷九〇四 乾隆三十七年三月上 二〇二四四

卷九〇五 乾隆三十七年三月下 二〇二九二

卷九〇六 乾隆三十七年四月上 二〇三一一

卷九〇七 乾隆三十七年四月下 二〇三三一

卷九〇八 乾隆三十七年五月上 二〇三七七

卷九〇九 乾隆三十七年五月下 二〇三七一

卷九一〇 乾隆三十七年六月上 二〇三八六

卷九一一 乾隆三十七年六月下 二〇三九八

卷九一二 乾隆三十七年七月上 二〇四一八

卷九一三 乾隆三十七年七月下 二〇四三五

卷九一四 乾隆三十七年八月上 二〇四四八

卷九一五 乾隆三十七年八月下 二〇四六五

卷九一六 乾隆三十七年九月上 二〇四七七

卷九一七 乾隆三十七年九月下 二〇四九一

卷九一八 乾隆三十七年十月上 二〇五〇六

卷九一九 乾隆三十七年十月下 二〇五二一

卷九二〇 乾隆三十七年十一月上 二〇五三七

卷九二一 乾隆三十七年十一月下 二〇五五二

卷九二二 乾隆三十七年十二月上 二〇五七〇

卷九二三 乾隆三十七年十二月下 二〇五八九

卷九二四 乾隆三十八年正月上 二〇六一六

卷九二五 乾隆三十八年正月下 二〇六三四

卷九二六 乾隆三十八年二月上 二〇六四六

卷九二七 乾隆三十八年二月下 二〇六六五

卷九二八 乾隆三十八年三月上 二〇六八二

卷九二九 乾隆三十八年三月下 二〇六九六

卷九三〇 乾隆三十八年閏三月上 二〇七〇

卷九三一 乾隆三十八年閏三月下 二〇七五

卷九三二 乾隆三十八年四月上 二〇七八

卷九三三 乾隆三十八年四月下 二〇五八

卷九三四 乾隆三十八年五月上 二〇七三

卷九三五 乾隆三十八年五月下 二〇九四

卷九三六 乾隆三十八年六月上 二〇〇〇

卷九三七 乾隆三十八年六月下 二〇八三

卷九三八 乾隆三十八年七月上 二〇八九

卷九三九 乾隆三十八年七月下 二〇六七

卷九四〇 乾隆三十八年八月上 二〇九〇

卷九四一 乾隆三十八年八月下 二〇九六

卷九四二 乾隆三十八年九月上 二〇九三

卷九四三 乾隆三十八年九月下 二〇九七

卷九四四 乾隆三十八年十月上 二〇九八

卷九四五 乾隆三十八年十月下 二〇〇〇

卷九四六 乾隆三十八年十一月上 二〇一七

卷九四七 乾隆三十八年十一月下 二〇三二

卷九四八 乾隆三十八年十二月上 二〇四六

卷九四九 乾隆三十八年十二月下 二〇六二

卷九五〇 乾隆三十九年正月上 二〇七九

卷九五二 乾隆三十九年正月下 二〇九三

卷九五三 乾隆三十九年二月上 二〇一七

卷九五四 乾隆三十九年二月下 二〇二九

卷九五五 乾隆三十九年三月上 二〇三三

卷九五六 乾隆三十九年三月下 二〇四五

卷九五七 乾隆三十九年四月上 二〇五九

卷九五八 乾隆三十九年四月下 二〇七一

卷九五九 乾隆三十九年五月上 二〇八七

卷九六〇 乾隆三十九年五月下 二〇九一

卷九六一 乾隆三十九年六月上 二〇九五

卷九六二 乾隆三十九年六月下 二〇三六

卷九六三 乾隆三十九年七月上 二〇四五

卷九六三 乾隆三十九年七月下 二〇六一

卷九六四 乾隆三十九年八月上 二二八六

卷九六五 乾隆三十九年八月下 二二八〇

卷九六六 乾隆三十九年九月上 二二八一

卷九六七 乾隆三十九年九月下 二二四八

卷九六八 乾隆三十九年十月上 二二八九

卷九六九 乾隆三十九年十月下 二二四九

卷九七〇 乾隆三十九年十一月上 二二四〇

卷九七一 乾隆三十九年十一月下 二二五八

卷九七二 乾隆三十九年十二月上 二二七四

卷九七三 乾隆三十九年十二月下 二二八七

大清高宗法天隆運至誠先覺體元立極敷文
奮武孝慈神聖純皇帝實錄卷之九百

監修官 經筵講官太子太傅文淵閣大學士文淵閣領閣事領侍衛內大臣稽察欽奉 上諭事件處管理

吏部理藩院掌印給事中黃旗滿洲副都統世襲副都統軍功加七級隨帶加一級尋常加二級軍功紀錄一次臣慶桂

總纂官 經筵講官太子太傅文華殿大學士文淵閣領閣事稽察欽奉 上諭事件處管理刑部戶部三庫事務

世襲副都統軍功加十九級隨帶加二級又加二級臣董浩內大臣戶部尚書領侍衛內大臣稽察欽奉 上諭事件處管理

尋常紀錄十四次臣鹿傳霖經筵講官太子少保工部尚書紀錄六次臣曹振鏞等奉

敕修

乾隆三十七年壬辰春正月丁酉朔

上詣

奉先殿行禮○詣

堂子行禮○率王以下文武大臣詣

壽康宮慶賀

皇太后禮成御太和殿受朝作樂宣表如儀○

詣

大高殿

壽皇殿行禮○遣官祭

太廟後殿○御乾清宮賜宗室王公等宴○是

日立春順天府進土牛春山寶座○戊戌諭

直隸省去歲秋間雨水稍大濱河窪地偶被

偏災疊經降旨發帑出粟賑卹有加貧黎諒

不至有失所第念賑期有定而待哺殊殷當

此始和布令畿輔近地允宜再沛恩膏所有

上年被災較重之宛平良鄉涿州東安永清

固安霸州文安大城通州寶坻香河武清新

城雄縣天津靜海寧晉及被災次重之保定

三河薊州寧河豐潤玉田等二十四州縣自

六分極貧至七八九十分極次貧均著加恩

於本年三月再行展賑一月俾青黃不接之

時小民口食有資得以安心力作此外如有

缺乏籽種之戶及糧價稍貴之區該督仍隨

時體察酌量糶借兼行務使一夫不致失所

以副朕軫念民依至意該部遵諭速行○又

諭甘肅省當積歉之餘上年春夏短雨河東

河西各屬成災輕重不同業經分別加恩撫

卹曾降旨撥帑運糧多方賑贍前據該督查

奏被災次重及稍輕之處。今春酌借口糧均已足資接濟。第念河東屬之安定會寧皋蘭金縣靜寧隆德等六州縣地止一熟。值頻年歉收之後。去歲未能補種秋禾。專待夏田鋤口。當此青黃不接之際。農民未免待哺。著加恩將此六州縣再行加賑一月。該督等其董率各屬善為經理。務俾貧黎均霑實惠。該部即遵諭行。○又諭。昨午四川省輪免正賦。並有旨將該省民番雜糧各項一體蠲免。俾得普霑愷澤。現在辦理小金川一事。調撥大兵。剋期剿滅。所有一切軍需供應。俱發帑撥給備用。絲毫不以累及閭閻。惟是運送糧餉軍械間亦酌用民力。雖並給與口糧腳價。而小民不無勞瘁。朕心深為軫念。著該督等查明該省官兵經過之各州縣。將本年錢糧再行先予緩徵。俟凱還事竣之後。分別等次奏明。請旨候朕加恩。以示軫恤邊氓之至意。該部即遵諭行。○諭軍機大臣等。近額敏和卓來

京陛見。召詢回地事宜。據奏喀什噶爾之阿奇木伯克噶岱默特人甚平常。且勒取屬人財物等語。噶岱默特係總管一城事務之阿奇木伯克。果如額敏和卓所奏。自宜治罪。但無證據。不便執一面之辭。即行辦理。特降旨令舒赫德福森布蘇爾德等查奏。茲據舒赫德等覆奏。並未聞噶岱默特婪索之處。詢之喀什噶爾回人。咸云感激噶岱默特等語。朕念額敏和卓係久附効力回人。特加寵眷。召見詢問。意欲知回地事宜。額敏和卓當感恩輸誠。將回地要務。或如何有益伊等之處。具奏。方為不負朕恩。乃不如此存心。轉將無形之事。陷害噶岱默特。以洩私忿。且復出告阿布都拉密奏之事。不可宣洩。額敏和卓亦不知乎朕辦理諸務。無分內外。惟秉至公。若因額敏和卓一面之詞。即將噶岱默特治罪。不惟噶岱默特含冤。即回衆亦不心服也。事已查明。罪轉在額敏和卓。但伊前頗出力。今又

年邁著加恩免其治罪。遵朕前降諭旨。不必往葉爾羌在游牧安居靜養。再回人互相傾陷。是其積習不止。額敏和卓一人朕於來京。陛見各城回人伯克等。俱降旨訓諭。嗣後各當痛加悔改。舒赫德等奏摺一併寄與額敏和卓。令其閱看。後即由彼處發還。○定邊右副將軍大學士溫福等奏。上年十二月十三四。五等日。攻破巴朗拉收復達木巴宗官寨。賊現在達木巴宗西築礮拒守。此處距美諾

七八十里。近於高處。隱聞礮聲。想離桂林軍營不遠。該營攻勦兵僅二千餘。臣等續調陝甘貴州兵可酌撥二三千。赴約咱應用。但桂林處除新募兵。實須添若干。約咱道遠。所調三省兵。從何處行走較捷。均飛商令速酌定。徑飭沿途帶兵將領就近前往。再阿桂已接提督印務。川省新募兵。前經董天弼檄調一千。赴甲金達軍營。已到四百。其未到六百。仍截赴桂林處備用。臣等雖分路進兵。總期迅

抵美諾。合兵濟事。得旨若克美諾獲僧格桑。原可破索諾木之膽。俾其獻還革布什咱侵地。以完此事也。但善後之計當熟籌耳。○又奏小金川僧格桑與金川索諾木結黨。小金川事竣後。索諾木果否恭順。尚難豫定。索諾木遣往藏內熬茶人。前奉諭旨不可遣回。命派幹員防送打箭鑪等處。查該處現為進兵之路。恐致脫逃。不如送成都防守為善。得旨是。是日起。

上以祈穀於

上帝。齋戒三日。○巳亥。諭江蘇省瀕臨江海河湖各屬。上年七八月間。偶被偏災。業經蠲賑兼施。俾閭閻口食無乏。第念方春青黃不接。適屆正賑將停。災重貧黎未免情殷待哺。著加恩將清河安東桃源淮安大河二衛海門廳通州泰興崇明等九廳州縣衛。勘實成災八分九分者。無論極次貧民。概行加賑一月。其餘被災較輕毋庸加賑各屬。除茲東作方

興或有需酌借口糧俾資耕種之處該撫其率屬善為經理務使閭閻共臻康阜該部即遵諭行又諭安徽省鳳陽等屬上年偶被偏災業經分別加賑其中成災較重之區及被水村莊甫經疏洩並高阜缺雨之地未能趕種秋麥者當此青黃不接時貧民口食仍恐不免拮据著加恩將鳳陽泗州盱眙五河定遠五州縣軍民於正賑之外所有八九分災之極次貧並七分災之極貧概行加賑一月其例不給賑之災輕戶口如需酌量借糶并著該撫董率所屬隨時經理以資接濟用副朕廑念貧黎至意該部即遵諭行（庚子上詣）

南郊齋宮齋宿（命中外蒐輯古今羣書諭朕稽古右文聿資治理幾餘典學日有孜孜因思策府縹緗載籍極博其鉅者羽翼經訓垂範方來固足稱千秋法鑒即在識小之徒專門撰述細及名物象數兼綜條貫各自成家

亦莫不有所發明可為游藝養心之一助是以御極之初即詔中外搜訪遺書並命儒臣校勘十三經二十一史徧布覺宮嘉惠後學復開館纂修綱目三編通鑑輯覽及三通諸書凡藝林承學之士所當戶誦家絃者既已薈萃畧備第念讀書固在得其要領而多識前言往行以畜其德惟蒐羅益廣則研討愈精如康熙年間所修圖書集成全部兼收並錄極方策之大觀引用諸編率屬因類取裁勢不能悉載全文使閱者沿流溯源一一徵其來處今內府藏書插架不為不富然古今來著作之手無慮數千百家或逸在名山未登柱史正宜及時採集彙送京師以彰千古同文之盛其令直省督撫會同學政等通飭所屬加意購訪除坊肆所售舉業時文及民間無用之族譜尺牘屏幃壽言等類又其人本無實學不過嫁名馳驚編刻酬唱詩文瑣碎無當者均無庸採取外其歷代流傳舊書

內有闡明性學治法關係世道人心者。自當首先購覓。至若發揮傳註。攷覈典章。旁暨九流百家之言。有裨實用者。亦應備為甄擇。又如歷代名人。洎本朝士林宿望。向有詩文專集。及近時沉潛經史。原本風雅。如顧棟高陳祖范。任啟運。沈德潛輩。亦各著成編。並非勦說。卮言可比。均應概行查明。在坊肆者。或量為給價。家藏者。或官為裝印。其有未經鐫刊。祇係鈔本存留者。不妨繕錄副本。仍將原書給還。並嚴飭所屬。一切善為經理。毋使吏胥藉端滋擾。但各省蒐輯之書。卷帙必多。若不加之鑑別。悉令呈送。煩複皆所不免。著該督撫等。先將各書敘列目錄。注係某朝某人所著。書中要指何在。簡明開載。具摺奏聞。候彙齊後。令廷臣檢覈。有堪備閱者。再開單行。知取進。庶幾副在石渠。用儲乙覽。從此四庫七畧。益昭美備。稱朕意焉。○辛丑。祈穀於上帝。

上親詣行禮。諭本年輪蠲奉天等省地丁銀兩。其米豆一項。例不在應蠲之內。但念奉天省地丁錢糧。向來銀糧並徵。其額徵米豆。即屬任土正供。自當普予加恩。俾得共樂殷寧。益兆倉箱之慶。著將奉錦二府乾隆三十七年應徵米豆。一體蠲免。以廣惠澤。該部即遵諭行。又諭本年輪屆浙江省普免地丁錢糧。該省溫台二府所屬玉環廳。每歲額徵租穀一萬一千八百五十餘石。又海寧縣天漲沙地。應納租銀一千二百二十餘兩。向例不在蠲免之內。第思此項租穀租銀。原並出於田畝徵輸。與闔省地丁無異。自當一視同仁。俾得並免輸將。以安作息。著加恩。將此二項應徵銀穀。一體蠲免。副朕愛養羣黎至意。該部即遵諭行。○又諭朕嘉惠蒼黎。降旨普蠲正賦。山西一省。應在本年輪免。該省所屬各府州。有額徵本色米豆穀麥一項。係供滿漢官兵糧餉之用。例不蠲免。但念此項本色。原

屬計畝輸將與地丁錢糧事同一律今應納地丁均經蠲免其額徵本色雖開兵帑支給未便概予蠲除而同屬授產編氓亦應令其均霑愷澤著加恩將太原平陽潞安寧武澤州蒲州六府遼沁平忻代保解絳八州及歸化城各協理通判所屬乾隆三十七年應徵本色俱酌免十分之三其大同朔平二府地處邊瘠著全行蠲免俾得廣被恩膏益裕盈寧之慶該部即遵諭行○壬寅

上奉

皇太后幸重華宮侍宴○諭戶部奏駁護山西巡撫朱珪咨請將清水河廳米石改徵折色及和林格爾等處交租地畝太僕寺廠地銀米未便一體並蠲一摺固係按例覈議第念該省今年輪應普免地丁錢糧內地民人均得霑蠲除之惠其該省額徵本色米豆等項亦已特降諭旨分別蠲免而口外應納地租獨令供輸未免向隅可憫所有清水河廳米

折銀兩上屆普免時尚未改徵曾與太原等府州應徵本色一體蠲免十分之三今雖改徵折色未便全蠲著加恩仍照舊例蠲免十分之三其和林格爾等處新墾起科之地較多應輸折色銀兩按田納賦究與內地地丁無異自當一體全蠲至太僕寺牧廠地畝本折分徵者其折色著照地丁之例予以全蠲其本色著照上屆恩免之例亦蠲十分之三俾邊外貧黎得以普霑愷澤共樂豐盈該部即遵諭行○又諭據周元理奏三座塔監督長春私設稅局書役人等擾累索詐請飭理藩院派員前往會審監督長春先行解任等語此案現經理理藩院具奏請將長春革職其擾累之書役等令熱河道解送來京交刑部會同理藩院審訊至該督摺內所稱書辦洪三等索詐酒鋪銀兩一案自應一併研訊明確定擬著周元理即行轉飭明山保將此案有名人犯一併解京會審○諭軍機大臣等

據諾穆親奏盤獲僧人悟能等三人。訊係湖南武岡州人。與楚省咨開逆犯嚴金龍父子等年貌相同。現派兵役押解楚省質訊等語。諾穆親所辦甚好。已於摺內批示矣。嚴金龍一犯罪大惡極。急宜速正。憲典以快人心。前據富明安摺奏有審訊現犯供稱嚴金龍想逃往雲南之語。今滇省盤獲僧人悟能。年歲面貌及眉稍黑痣。適與嚴金龍相合。其徒年貌亦與伊子嚴貴珍相似。而僧人衣帽皆係新製隨行之人。又適係何姓。種種形蹟均大有可疑。不可不嚴加鞠訊。該撫既經解送楚省。該處現有就獲案犯質証之下。無難立辨。著傳諭富明安。於該犯等解到時。即行詳悉審訊。如實係首惡正犯。一面即行正法。一面具摺奏聞。毋任稍稽顯戮。此等案犯。關係緊要。斷不可容其支飾狡供。倖逃法網。若承審各官懼懼緝犯處分。希圖遷就完案。附會成獄。轉使真正逆犯得以遠颺遁死。將來別經

發覺。則惟該督是問。諾穆親摺並著鈔寄閱看。又諭曰。桂林奏現抽調各隘官兵。剋期進剿。俱合機宜。惟所稱若獲僧格桑。陝甘之兵。即行撤止。以省往來之勞。尚於此事全局。未能通盤覈計。查原調之陝甘兵三千。業經書明阿等帶往西路。其王萬邦所帶黔兵二千。已於十二月二十六日到成都。即日馳赴約咱一帶。是兩路繼進策應之兵。均已不少。現辦小金川之事。自無虞不敷。但官兵尚未進抵美諾。僧格桑之能否迅即就擒。尚難豫料。或僧格桑竄入金川。而索諾木之遵諭縛獻與否。亦未可定。即僧格桑立就成擒。而索諾木所占革布什咱之地。必當令其盡行退還。不敢再犯。方為完局。是善後事宜。關繫尤為緊要。亦須厚集兵力。以壯聲勢。豈宜遽議撤兵。朕實不欲為黷武窮兵之事。但此次用兵。所調不下二萬餘名。所費亦不為少。朕不肯靳惜費用。此溫福桂林所深知者。若經理

不善。致此次軍旅徒勞。將來仍貽後患。朕斷不肯為違就苟完之計。除飛諭汪騰龍所帶之兵。不必撤回。仍即前赴川省軍營備用外。著傳諭溫福桂林。仍遵朕前次所降之旨。於平定小金川後。相度善地。設鎮駐兵。方為一勞永逸。溫福等縱不能計及數十年百餘年久長之策。若十餘年亦不能令其帖服。即係伊等此次經理不善所致。將來索諾木或復有蠢動。惟溫福桂林是問。○四川總督桂林

等奏。僧格宗距賊巢不遠。為赴美諾必由之路。賊層列堅壘。占據要隘。臣等現分兵截取卡子。一經得手。即籌剿此處。至前繪地圖。祇就賊緊要處黏蠶。茲復詳繪呈覽。再喇嘛寺西南兩面。俱懸崖峭壁。寺傍東向墨爾多山。經該酋封禁。應飭官兵伐木縱火。闡清山境。寺北山後間道險仄難行。距甲木十餘里。中隔郭松寨。現在巴朗拉達木。巴宗等處俱經攻獲。雖南路兵力未裕。賊當窘迫。諒不能為

掩襲計。因與宋元俊等籌畫。密抽附近各隘兵。剋期進剿。得旨所見俱合。機宜佇俟佳音。當乘機速入擒獲逆賊也。○又奏分路進剿小金川糧驛均關緊要。從前雖設員弁兵增則策應倍難。應專揀大員分管。巴朗拉一路令知府江權駐卧龍關總辦。甲金達一路令建昌道白瀛駐木坪總辦。約咱一路令按察使李世傑駐打箭鑪總辦。得旨嘉獎。○癸卯世祖章皇帝忌辰遣官祭

孝陵

上詣

皇太后宮問安。諭曰。楊廷璋久任封疆。老成歷練。前因其年逾八旬。畿輔事務殷繁。恐未能鉅細周到。是以用為刑部尚書。見其精力尚未頹邁。於部務自可從容經理。乃於去冬偶感風痰。遽聞溘逝。深堪軫惜。著加恩晉贈太子太保。所有應得卹典。著該部察例具奏。○以漕運總督崔應階為刑部尚書。江南河

庫道嘉謨署漕運總督○甲辰享

太廟遣裕親王廣祿恭代行禮○遣官祭

太歲之神○

上御紫光閣賜蒙古王公台吉及回部郡王等

宴○召大學士及內廷翰林等茶宴以耕織

圖聯句○諭向來各省營伍巡閱整飭乃總

督專責滇省營制既較他處為繁且綠營積

習委靡尤須勤加訓練但近年來總督彰寶

承辦邊務不能常駐省城提督總兵亦均有

差務公出其各營弁兵等因無大員閱視操

演馴致廢弛甚有關係嗣後如該督駐劄永

昌及提督總兵駐防關隘所有各標協營官

兵即著巡撫於上下半年隨便代為巡查考

覈從嚴甄別如有應行叅劾者即咨明該督

會同具奏其省城督標及城守營更為切近

亦即代為董率訓練庶於營務有裨該部即

遵諭行○乙巳諭曰諾穆親著來京陛見雲

南巡撫員缺著李湖前往署理其貴州巡撫

印務著圖思德暫行護理○又諭曰溫福等

分遣官兵三路夾擊破碉殺賊殊屬可嘉溫

福等將此次打仗奮勉並受傷陣亡之滿洲

綠營官兵及瓦寺木坪土司一併查明造冊

送部議敘議卹○諭軍機大臣等昨據彰寶

奏諾穆親為人識見才具不能展布開拓每

日惟專心於紫牘簿書到任後從未離省

城即兵制營伍亦未校閱等語所奏甚是尚

嫌其入告已遲諾穆親本一拘謹之人前為

司道時尚能勉供職及令署理巡撫屢形

竭蹶其才具自難勝封疆重寄現已令其來

京陛見李湖向來辦事頗能認真自擢任黔

撫以來經理諸務更屬妥協滇省地處邊圉

巡撫一席較黔省尤為緊要已有旨著李湖

前往署理其貴州巡撫印務令圖思德暫護

李湖接奉諭旨後可即前赴滇省諸凡加意

整飭至如該省營制當積習委靡之後尤宜

時加整頓昨已降旨令巡撫將督提各標代

為巡查考覈。李湖到任後，即遵旨妥協辦理。勿拘牽成例，少存畛域之見。其銅廠鹽井，尤滇省要務，更當實力調劑清釐。李湖務益加奮勉，副朕委任至意。著將此傳諭知之。○定邊右副將軍大學士溫福等奏：曾頭溝為小金川後戶，奉旨命與桂林酌從間道進兵夾擊，以掣賊肘。查斯底葉安一帶，現已攻破，與未過巴朗拉時情形迥異。曾頭溝一路有兵擣其後戶，直取底木達及布朗郭宗，則美諾不能守。於事有益。總兵書明阿帶固原兵一千已抵維州。臣等一面咨會桂林，一面行知書明阿令帶兵速赴曾頭溝，並令副將色倫泰領西寧兵一千徑抵沃克什一帶。俟臣等攻抵美諾，覓道往迎桂林，其貴州兵二千陝西兵一千，劉知桂林令遄赴約，咱接濟得旨是。○又奏：松潘鎮總兵福昌革職遺缺，奉旨著宋元俊補授。因宋元俊現在桂林軍營，命臣於副將頭等侍衛及叅領內揀署。查委署

翼長前鋒叅領官達色，諳練營務，請令暫署。報聞。○丙午諭曰：宋元俊自隨征小金川以來，屢著勞績，已節經加恩擢用總兵。今據桂林等奏，攻克卡丫情形。宋元俊甚為奮勉，著賞戴花翎，以示獎勵。都司李天佑亦甚勇往，並令桂林遇有副叅缺出，越次奏補。其餘在事出力之滿漢官弁，均著查明文部議敘。○諭軍機大臣等：據彰寶奏訪聞古州土弁歐韻清藉詞請罰需費，向各苗寨勒索銀七百兩，並令出米五十二石代還，所借倉糧十一月巡撫李湖查閱下江時，有岑龍等六寨苗民老濃等具控。曾經發府訊究，現在作何辦理？及曾否具奏請飭交撫臣嚴辦等語。彰寶所奏甚是。從來邊地苗民構釁，多由土舍索取滋事而起。督撫等理應隨時體察，竭力整頓，以杜事端。土弁歐韻清前於黨堆寨不法一案，首先稟報，原不妨酌量優獎。若該弁借此出入苗寨，倚勢婪索，則自干罪戾，即應執

法重懲。況此案前經李湖交發黎平府知府王勳查審時。歐韻清雖不肯按數全認。已有自供得銀一百七十兩。米五十二石之事。是案情已屬顯露。豈可不為徹底根究。倘因前此微勞。竟行為之隱忍。必致肆行無忌。騷擾苗寨。何可為訓。該撫李湖平日辦事。尚屬認真精明。何以此案既經寨苗控告。僅行飭府查訊。並不即行奏聞。迅速嚴辦。豈李湖心存化大為小之陋習。遂爾意存姑息。全不顧事理之輕重耶。李湖著傳旨嚴行申飭。仍令其將因何不行奏聞之處。明白回奏。將此傳諭知之。○又諭據彰寶奏訪聞古州土弁歐韻清藉請割需費。向各苗寨勒索銀七百兩。並令出米五十二石代還所借倉糧之事。巡撫李湖查閱下江時。有岑龍等六寨苗民老濃等具控。曾經發府訊究。該道龔學海前在同知任內。漫無見聞。請一併飭交撫臣查明審辦等語。彰寶所奏甚是。苗民之構釁。每由於

土舍滋事。索擾所關非細。該土弁歐韻清前於黨堆寨不法一案。首先稟報。業經賞給土銜以示獎勵。若藉此出入苗寨。倚勢婪索。漸至肆無忌憚。苗民蠢愚被索不甘。積怨成仇。必致激成事端。地方官應隨時訪察屬實。即當按法懲治。豈可因其曾著微勞。稍事姑容。輕縱該撫李湖。巡閱下江時。既經岑龍等寨苗民控告。並不立時奏聞。迅速嚴辦。不類其平日誠實任事之道。已有旨飭令明白回奏矣。圖思德現在護理撫篆。此案即著圖思德嚴行查審。務得實情。按律究擬。圖思德向來辦事頗屬認真。今初交查辦事件。諒不敢因李湖之現為上司。稍有瞻顧。自取咎戾。至該道龔學海。如有知情徇縱情弊。亦難辭咎。並著查明一併參奏。將此由五百里傳諭知之。彰寶摺並著鈔寄閱看。○又諭據伊犁圖等奏巴爾魯克游牧地方貿易之土爾扈特人等沿卡座行走。來塔爾巴哈台貿易於事無